

愧

瘖

集

愧瘖集卷之五

甬田二山野入林大輅稿

五言律

宿鄭士璽寓舍月餘四首

舍館依安福韶華靜簡編井蛙潛夕漲幕燕避
寒烟寄劍隨鄉札揮琴度客年玄言如可續撫
几一茫然

細流能飲鼠踈葉自栖鷓幼學時將晚冥行路
更遙應慚迂戇子還候 聖明朝燈火西華闌

觀光金水橋

紫桂留仙客，丹霞俯帝宸。
聚星荀淑喜，懸榻徐孺頻。
壩岸流香曉，蒲城泛蟻春。
遭逢餘俯仰，風雨暝龍津。

鄭虔多意氣，鎮日報平安。
別室餐奇士，同袍若二難。
秋風吹苜蓿，雲谷長芝蘭。
隨意談憂喜，山人亦漫官。

吾雨東李子光五首

涼雨冥冥下，高齋黯黯秋。
蕭條添遠憶，搖落滯

新愁潞水淹歸旆，燕雲獨倚樓。側身天路遠，回首愧滄洲。

長安連日雨，閉戶憶詩豪。蛩語雙階靜，蝸涎四壁高。野橋秋水斷，苑樹暮鴉號。憐爾同爲客，相過讀楚騷。

舞惜商羊倦，飛看石燕愁。低雲迷鴈字，寒吹薄狐裘。萬事念羈旅，二毛驚素秋。蕭蕭梧葉下，袞袞玉溝流。

野色何曾霽，簷聲不暫停。侵淫驚乍見，浙瀝怯

頻聽城闕涵葱鬱龍蛇會眇冥所思關塞夕長
照太微星

萬里瞻雲眇魚書隔廣陵九城風雨節三載友
朋心談奕歡西爽傳香坐午陰相探應邂逅惜
別故招尋

雨中候黃君俊戶曹不至

飄酒還垂暮淒清定幾晨清樽如避客孤缺欲
隨人鴉亂林呼急鷗輕水宿頻黃郎踈闊久誰
與道吾真

鄭九萬過訪留飲二首

燕坐初陽未逢君興不孤
勸酬聞雅論慰藉愧
微軀山婦供蔬飲河魚烹野厨
楊雄能作賦閑
戶擁文儒

鐘聲驚獨客月色淨雙扉
杯蘸花迎碧燈懸榻
映緋弱冠標邊笥三年逗漢畿
南天聞候鴈同
憶老萊衣

同蔣子雲何孟循上封事二首

蔣卿才用世何子學專門
諫草分書笥交情寄

世樊燈搖遊子恨鐘動放臣魂底用憂生理艱
虞得共論

吾汝憐同署他生有舊緣金門森虎豹西苑劇
風煙怪事排闥語清時諫獵篇平生葵藿志相
對一潸然

語內氏二首

復兒今四歲得汝久提攜吾道應憂患倉皇意
不迷思家二老在爲養百年齊款語真難盡冥
冥聽曉雞

釜魚思假息籠鶴欲卑棲皇甫黨仍衆洛陽志
以淒懷深青玉案望隔紫雲梯萬里歸舟暮飄
零林子妻

聞馬子莘還金陵寄別二首

風花香已暮燕子正高飛所惜故人遠蕭然良
晤稀江舟知獨往壺嶠未同歸逐客甘貧病相
思晝掩扉

病劇頻疑死生餘祗欲狂孤踪應似寄萬事可
能忘雲牖明踈簾湘簾度遠香風塵驚空惚遲

爾語行藏

刑部候了東提牢朱主政二首

秋曹獄戶靜鎮日坐匡牀露灑蓂堦碧風清藥
裏香提攜朋好在纒綫詒言長鼎鼎懷明德微
吟意不忘

復子來看毋歡媿淚滿衣繩牀平暑氣蔬食近
春暉漏短旅懷寐燈明鄉夢稀山中驚節序雙
白倚柴扉

不寐

擁被息塵想瀟瀟雨到蓬孤城連禁柝夜動
悲風往事踈燈裏新愁濁酒中南歸稀信使明
發報征鴻

滄州重九二首

客艇隨流去滄州惜歲華人烟連島嶼野色淨
藜葭漆室憂時拙橘林歸路賒秋風到樽俎寥
落負黃花

去歲重陽日榆林消息微愁添萸菊酒淚洒省
郎衣舟楫江湖遠風塵故舊稀鄉心何處寫歲

晚白雲飛

過武城二首

武城過逆旅，悵望一停舟。
未黍登郵社，雞豚散野疇。
昔賢淹百里，古道耿千秋。
戎馬供輸困，清源報未休。

十里絃歌地，叢祠古木疎。
邳翁來俎豆，山鳥下階除。
禮樂東周晚，風流百代餘。
懷賢今已矣，漂泊欲何如。

族叔汝桓北上

守關情俱倦還家報益遲
逗予南下舸贈爾北
遊詩碧樹搖書幌黃
花映酒卮經過多舊
識寄語日相思

過淮陰侯墓二首

詎謂飄蓬客來看數尺墳
千金酬漂母一劍擁
英若秦項歸宸宇蕭陳讓將勲
瓣香斜照裏短棹刺愁雲

雲夢僞遊日翻成力士謀
功高終震主氣結薄
封侯楚甸橫山圻秦淮入海流
英雄多寵辱誰

泛五湖舟

京口晚泊

五斗淵明俸三秋季子裘生還真過望多病未
應休野吹搖芳草江烟下白鷗晚來雲物淨京
口泊歸舟

野館

野館行應到山城去尙遙高風木葉下長路旅
魂銷藜杖那歸野瓊裾憶退朝賈生思漢室雪
洒望青霄

登釣臺二首

羊裘終自放漁釣老相隨
箕穎人間世巢由帝
者師飛鷗來靜渚
行客吊荒祠
萬里歸雲淨
登臺有所思

疊嶂高臺峙南州
短日淹山虛孤鶴度江遠
一龍潛風節狂奴在星光
太史占芳蓀慚晚薦
古意幾寒簾

過江山夜至候館東吳令亞父三首

寒色前邨暝荒林細雨長
不辭山路滑真媿客

旌忙澗響繁新溜篁疎夾野塘旅愁誰爲遣南
去近閩鄉

役役歲華暮瀟瀟風雨寒迷途驚入夜候火度
前灘舍館初留客郵鐘欲罷餐南遷猶斗祿未
敢厭艱難

出門行數里聞窸已黃昏野靜飄丹葉天低下
白雲風烟那免病巾烏未離群獨念蘓司業能
憐鄭廣文

夜渡義江卽事四首

敢言浮海與漫試濟川才片月懸孤嶼繁星耿
上台飄篷津吏報流浪漢臣來燈火分敲竹長
年笑舉杯

霜天宜泛宅水國欲浮山辛苦年來事清羸病
後願思家情種種行路意閒閒老柴門靜懸
知遊子還

國士還前哲書生亦故吾清溪遊舴艋野日餉
雕胡躍鯉應能變饑鷹不受呼義江今夕渡枕
上憶僊都

窟龍喧夜壑波鳥止寒丘
祗益艱虞分非關汗
漫遊更長防惡少潮遠起清謳
五虎周遭在蒼
雲萬古浮

遊紫雲洞二首

宏路停歸騎看山興不遑
天風吹野水海日照
巖扉攜客登山嶠呼童問羽衣
薜蘿青入眼縹
渺紫雲飛

清秋尋古洞石室倚雲開
鳥道明丹葉猿崖綴
碧苔禪牀虛夢鹿佛日偶登臺
玄覽無空澗遲

迴一舉杯

素翁同方松崖鄭山齋二方伯陳方壺副
憲各携觴頤晦草亭邀飲賦謝六章因

懷黃子後峰

漫郎初止舍俯首挹前修詎謂移尊俎追陪巾
舄遊亭環三徑寂湖蘸兩山幽海內雲莊老十
年卧紫丘

水部昔行役瞻依吳越間忠言真激俗令望蚤
投閒隱鳳鳴蒼野歸龍卧碧山尊前驚語別春

意滿松關

梓里歸旬朔門牆隔幾春
儒宗陳寔老藩伯鄭
虔貧楚徼催行色鄱江
息戰塵二賢何日起康
濟有斯人

畏途時共適寒序病仍深
湖海三秋鬢雲霄萬
里心燈青梅塢白邨僻石
塘陰寒日西橋上孤
芳亦滿林

典刑諸老在几杖欲逃虛
願叟林栖者玄言慕
素書山雲青入戶湖水
碧通渠細語兒童喜淹

留長者車

后峰稀信使眇眇別離情
獨卧滄洲曲依稀春
草生鷗鵬應北徙鴻鴈且南征
遲爾雲濤榻蒼霞俯化城

同黃后峰遊囊山寺四首

覽勝歲云暮諸天路不迷
巖苔分野坐禪榻共
山棲竹色寒莎徑泉聲隱杜谿
招雲黃后洞尊酒一僧攜

紫芝未可採漫有碧山謠
鳥道荒烟澗猿崖霧

雪消天清谷口樹江湧海門潮客思翻蕭瑟清
湘去國遙

木古連雲氣亭幽漏竹光乾坤雙草屨湖海幾
繩牀佛日風幡定桑門野飯香主人應悟道歸
鳥未斜陽

黃卽初避地巾舄欲離群海上拾瑤草山中歌
白雲艱難人事改搖落客途分別意蒼霞晚相
思獨有君

九峰看泉答后峰二首

歲晚九峰寺江天日曛寒流分翠巘落木灑
蒼雲佛磬空堂寂曇花淨界芬紫芝歌未徹惆
悵欲離群

移席日初午看泉僧共閒鴻從銀海度鶴抱紫
氛還風靜江楓冷霜清野菊斑因憐方外友獨
駐鏡中顏

素翁邀黃后峰暨予遊雲莊三宿而別敬
用翁韻三首

雲莊追步屨小隱戀逋僊藜杖群峰立松齋一

快 弄 身 一 五 末 二
榻眠野談收外史年事入新編瓊蕊何時發
躊問王田

欲嗽朝霞淨山靈不斬入蠡湖應避地蔣徑得
藏身風塢交青竹雲谿覆白蘋翱翔隨鶴鷺散
步一尋真

北歸風雪霽青野夢思頻大業三朝老棲遲萬
壑春閒情惟愛客佳句漫驚人惜別后峰子遲
回更愴神

山齋後峰載酒至雲莊二首

采真攜綠杖，選勝步蒼崖。
桂煖開晴雪，梅香約曙霞。
鳥飛啼遠嶼，浦落漫平沙。
謝傳東山卧，人

欲鬢未華

草屋浮松翠，石門流野煙。
鄭虔遙載酒，黃憲喜談玄。
虎跡荒新術，龍光炫舊阡。
龐公機已息，獨種鹿門田。

元日二首

庚辰

禪宮遙祝

聖宛在紫宸，朝更喜隨家。
慶蓬門望九霄，酒杯

驚客意花勝麗春韶病髮如楊柳東風茁舊條
故園歸隔歲北望

帝恩深忽忽鶯花候遲遲桑梓心清時猶漫客
遠地亦華簪遙想千官裏鐘聲滿禁林

人日

人日椒花頌高堂喜色新斑衣初待曉濁酒倍
逢春迹遠思燕谷行遲悵楚津暖風青草渡飄
泊一孤臣

寄吊鄭仲瞻二首

過先澤

山視斜分竹村扉半傍林花明晴樹曉雲度綠
溪陰歲月淹吾病風煙淡客心未能辭五斗翻
愧二毛侵

新城懷夏于中

聞訊肝江上東洲春事幽名花留几杖歸鳥戀
林丘羨爾同元亮慚予非少游君恩驚未報
風雨洒貂裘

泊舟擬峴臺簡陳惟濬博士

遠遊意忽忽登覽未從容
却問陳明水茅齋翠
幾重石溪留釣艇野渡隔村春
莫便還山去相思聞暮鐘

至羅溪驛

春泥深幾尺零雨復黃昏
細竹橫橋渡岐途去
馬分寒侵平楚籟白度
遠溪雲候館燈花靜
栖林自鳥群

瑞昌至興國遠道兼逾高嶺二首

高嶺迴風澄遙天隱霧林
援蘿青嶂曉俯澗碧

秦陰征益移晴影鳴笳淨遠昏客行淹晦朔莊
寫亦悲吟

野渡荒荒日村炊漠漠煙素心逾嶺壯幽事看
山便湘浦悲遷客鹿門暮隱賢陵岑雲樹濕向
晚有啼猿

萍鄉值雨夜至醴陵

脩途淹積雨浮靄眇平川力困千山暮魂飄古
木前交游思舊國滾落任吾年年夜嘶征馬濕
溪聞野泉

鹿江呈謝光宇方文化

出門還阻雨，江館若爲情。
語鳥移時去，繁花何處明。
迂途仍我病，孤抱得君清。
碧草煙橈外，長沙記此行。

移舟

苦雨萍鄉路，移舟復醴陵。
初辭吳地使，卽聽郢人吟。
天遠江雲細，春寒湘水深。
相期眇岳麓，燈火百年心。

楊汝忠員外招張士元暨予卽席二首

六載看花伴相逢意更親共憐羈旅日同拂客
衣塵張翰思歸久揚雄悵別新驛亭尊酒在猶
見武陵春

青瑣薰蘭佩仙曹蕭露旌嗟予飄泊者邂逅若
爲情隴樹秦川渺江雲楚望平琴尊淹別緒晉
客有鶯聲

閉闥

閉闥閒公事呼童葺藥爐未收賈子涕長愧卜
生癩芳樹遷鶯金高雲度鶴孤農桑時報喜疲

病欲人扶

浮蹤八首

浮蹤者紀子遊也子到夷陵兩月矣感事撫時慨今思古乃綴咏言庶存故實

浮蹤甘屏裔簿領亦閒閒
虎跡村間路猿聲郭外山
四愁仍欲結雙鬢漸成斑
長見乘槎者天風萬里還

端居驚物候永日幾凭欄
殷浩名還累韓生說更難
龍蟠春水漫鴈度暮雲寒
濁酒逢人醉清歌遲所歡

三峽南津下蜀航
兩岸多蒼茫
春渚外搖曳竹
枝歌逐客憐芳草
江湖思若何
寄書南去棹
落日水生波

夷陵楚徼遠去國一潸然
流落從人後
羈孤秬
自憐秦灰餘
蔓草吳壘隔
長川我愧青原叟
西遊知幾年

傳聞白下信
行在翠華遊
落日孤臣淚
長江萬里流
龜蛇催楚貢
豺虎劇邊愁
高廟雲霄裏
乾坤紫氣浮

蜀江元過楚粵客未歸燕病久頭顱在時危夢
寐牽全生曾混迹闕世欲談玄澤畔逢漁父滄
浪歌杳然

遠遊忽已夏楚澤滿新蒲况復荆門樹雲深啼
鷓鴣懷章慙傲吏遁野暮潛夫萬事空踈濶孤
懷自鬱紆

三遊還勝迹九辨自奇文西崦餘斜日南津幾
暮雲乾坤虛吊古歲月惜離群欲問崆峒信來
鴻未可聞

秋風吹爽氣午雨下層雲峽水暮江立雷聲前
夜聞莎青明鷺影野綠淨鷗群倚檻看飄灑遙
遙清楚氛

永日瞻雲漢遐方駐使軺倦龍猶灑氣高柳已
深條間訊山南北秋田種更遙次公應雨喜短
述亦風謠

送謝先字往武岡訪童昶守備三首

清秋逢謝眺別袂大江邊與爾同搖落臨觴一
惘然魚書湘浦月鴈字郢門煙獨舸兒童共飄

蓬記此年

水程幾百里應泛洞庭湖多買尊中酒江門山
色孤崖青明雨蘚雲白泫汀蒲爲謝轅門帥書
來問病夫

得黃后峰書答贈七首

爾憐同病久書到已清秋間客知幽事開臧解
暮愁楚雲浮別洞江月照邊樓遙憶垂綸者蘭
陔幾放舟

思鄉楓葉下山寺憶登臺忽漫黃花節遙看白

鴈來諫書二殿祕隱徑一峰開世事悲歌裏西
遊且未回

憶昔蒼霞語含情欲遠行江湖南楚路風雨北
陵城佐牧才仍拙逃名夢益清思君不相見天
際碧雲生

封書多百字問訊益情親勿藥過長夏加餐勝
舊春薜煙雙洞杳松月數峰新幽意何人會蕭
條楚水濱

后峰精舍近安石在東山歲月留孤節煙霞駐

古顏已甘栖壑靜翻愛採芝閒
逐客三湘遠何年間大還

歲晚九峰寺青泉白石寒
偶來同野飯共喜進春盤
作客心逾壯投荒路未難
風塵南國滿立馬望長安

彭澤終高卧西陵胡未歸
清風稱栗里多病憶柴扉
白石幽人共青雲故舊稀
他年宣室召莫戀北山薇

松滋江上晚泊候彭守不至二首

寒流淹去棹，踈柳淨維舟。
落葉前山滿，微雲直
渡浮。鳥鷺斜日噪，龍
喜晚濤遊。回首同袍客，搖
搖動別愁。

怪石江湄出，顛崖沙際懸。
古亭依獨樹，平野接
荒煙。草屋幾家好，漁舟
何處便。客心無住着，倚
棹更蕭然。

過三遊二首

蕭條羈旅思，空有白雲期。
彷彿迷前路，遲迴誦
舊詩。瑤草孤襟在，松花
病骨宜。歛歌轉愁絕，落

日小谿湄

隱隱山藏徑荒蕙竹覆藤玄蹤二老共清夢幾
宵曾林靜午雲黯江高秋水增一樽誰可對翻
憶洞中僧

贈彭令球二首

山水思陶令江鄉喜見君相看頻下榻歲晚意
何勤未到蒼谿洞空懷白石雲飲猿與啼鳥幽
寂欲誰群

遷客倦行役翛然戀碧山卻疑僊侶宅宛在紫

霞關塢靜松花老谿明石草斑風塵吾獨病羨
爾駐紅顏

自長陽返西陵歷林麓數十里晚至僧寺

彭令具餐二首

石泉含斷靄風磴入晴沙歲晚沅城客歸心急
暮笳雲棲洞鶴淨野照樹烏斜僧茗寒蕪外鐘
聲度碧霞

寒光孤寺迴野翠亂崖低避客鷗藏渚迎人犬
渡谿郵炊煙欲暝石室路還迷尊酒逢喬令雙

鳧過竹西

逢鄉人歸莆

爾去寧親日蘆谿足饌魚入城八九里報我平安書湘漢歸期遠風塵病髮踈看雲情繾綣送遠更躊躇

旅食

旅食未舒意端居空壯期身應南郭臥文愧北山移賈子江湖志仰宣桑梓心淹留吾道在不訝賜環遲

寄懷倦遊亭呈梅東翁三首

倦遊亭者李翁致政作而時逸也翁八十餘齡鄉邦大老予讀書三年于茲道範格言重負翁教塵役之暇輒寄餘懷

前輩如公少風流真我師石門滄海近梅塢白雲澗扁落會相許蹉跎負所期未緣牀下拜長詠碧山詩

談古頻分席離塵欲振衣八年爲客遠萬事出門非苓榻湖聲入石門山翠飛故鄉應識路長在夢中歸

歲月庭添竹風煙屋覆茅渠清魚隊見林密鳥
聲交混迹還憂世逃名不解嘲他年山雨夜稀
菜摘行庖

先除夜彭席二寅長小集二首

獨愧論萍梗時探九辯文疎帷靈籟入淨几異
香聞晴雪光南嶽寒霄絢素雲簿書欣暫解勝
集况逢君

殘歲明宵盡濱江擁雪屏旅情三峽暮賓館一
觴清梅柳先江國風煙舊楚城聞歌須酌酹候

馬已春聲

舟中別梁子

青瑣移征旆雲端望使星
祖觴攀彩鷁離袖拂
青萍楚野荒荒樹蜀江
漠漠汀空都今夜泊相
憶一燈熒

八日二首

彩勝金花麗端居發興
新風塵身是客湖海日
逢人殘雪巴溪曉晴雲
楚樹春呼童開桂醕獨
酌度芳辰

獻歲慚多病春風愜舊緣占晴隨楚叟醪飲誦
堯年白折梅花淨青傳菜甲鮮去年烏石舍菜
服羽觴前

彭守燕集二首

五馬張新宴春城興不孤談兵惟壯士作賸有
文儒簾影流紅藥鷺聲上碧梧風流誰阮籍酪
酲任提壺

客署頻煙雨年華復弟兄匏尊心迹遠巾舄笑
言清碧草階前檻孤雲江上城夜闌還漫興乘

燭報詩成

獨坐呈席材同二首

獨坐饒幽思江城春可憐未能辭久客那復計
流年晴樹巴山遠新蒲楚澤連同袍千里外懷
抱一尊前

歲事何須早蕭條鬢欲斑春風思漢署落日滯
荆山青鳥驚塵夢朱花照客顏相期江北路流
落共君還

舊學二首呈材同

舊學失三餘宦情積案初柳風當戶暖
霖雨隔簾疎西蜀楊雄賦衡山李泌書
蹉跎生理拙多病欲何如

檻雲江共白野樹日兼青芸閣虛書幌
墨池澆鏡亭二年談舊雨一榻下秋螢
往事江潭遠懷

人愧獨醒

材同繫獄謫官已三年

哭 大行皇帝哀詞三章

四海文明日龍飛十六年耀兵頻制閩鎮國幾
行邊獵雪凋麾鉞歌雲滯管絃懸知西苑夕萬

國淚潛然

英勇疎虛扁聰明邁保師昇平鳴鳳紀勲業磨
崖碑太始漢何繼元和唐有辭瑤池天子燕殂
落使人思

憶昔生還日明庭百杖餘孤臣情繾綣三楚路
躊躇帝澤浮人世天倪澹屋廬銷魂哀痛詔多
病哭相如

得京中友人書寄答三首

燕京三載別悵望幾悲歌黃鸝鳴苑柳白鳥浴

汀莎旅懷巫峽雨世故洞庭波親朋思宴會昔
日羨陰何

清望白雲曉高情粉署東驛騎三江隔僊舟數
月通楊對西陵燕書從冀野鴻相思頻問訊何
地拂春風

謫宦居下客逢人問刺州湖海能辭病風煙欲
報秋負日頻瞻闕望雲幾倚樓報爾同良晤潞
河春水流

送席材同歸觀晚泊黃陵三首

曉來風作惡歸襯出江城楚館親知淚巴川離
別情一官胡薄命萬事祇定名羈旅終兄弟愁
雲倍愴神

精靈應不解歸路秋山深雨黯啼猿樹風悲淚
鶴岑江湖空往事溝壑耿孤襟誰復緜袍戀空
餘掛劔心

憶昔三遊洞從君度雪橋溪聲低野几山意寂
春瓢賈謫長沙久劉居湘浦遙同心更愁絕楓
葉下蕭條

出郭候監司因懷席材同判官三首

扶病候長吏出門西吹寒石林邀曉騎野館滯
晨飡浴鷺從渠炯眠鷗祗自寬翠華消息迥直
北路漫漫

落葉翻迴岸踈篁出近邨棲遲慚世業飄泊慰
營魂宿草露光泫晴山雨色屯北來青瑣客底
事戀柴門

清時思吏隱搖落若爲情穉事分秋熟炊煙豁
晚晴依依原樹渺黯黯隴雲生何似未嘉守看

花故出城

族人宗啓侍其父州判公荆門先此訂問
遲爾談鄉國睽違已五年留雲青竹戶撫石紫
霞編淡泊將慈父循良慕昔賢象山不可見共
酌惠蒙泉

暮春遊八里莊因餞石瑞州九首

郭外塵埃少雲中埜色開平沙明皎日萬竹對
春臺白鶴招人飲青牛望炁來如何古賢達徒
作雍門哀

百年胡不樂况乃值群芳松露下闌藥谿雲低
草堂殊方還禊事良晤亦流觴便作山公醉淹
留到夕陽

往歲三遊洞今朝八里莊石門坐竒崛鳥道入
微茫懷遠春多夢探竒病亦狂緣迴青壁墜下隨
柳到池塘

未著東山屐還過林谷村晴雲看倚杖細草坐
移尊耕鑿聞農話鶯花慰客魂主翁應學道幽
寂得共論

靈矢逐張翰棋枰負薛華林陰低返照山碧遠
栖霞野粒團羣蟻荒疇集亂鴉他鄉隨世事勝
地卽生涯

張卽中惠
薛員外

海石垂天棘柴門覆水蕉紫芝歌已暮玄圃夢
相招寵辱慚吾道馳驅戀聖朝滄江坐回首
興極轉蕭條

遠送南州守清尊惜暮春別筵歌調急投轄性
情真湖海浮生濶雲山病髮新群公須強飲他
日別離頻

問訊丘園好同遊巾烏多饑飈翻石葉乳燕坐
松蘿藥裏看丹遍琴軒候酒過流光驚節物芳
草思如何

歸興空流水出門生暮煙行藏隨五斗搖落已
三年樵化驚蕉鹿謀生在石田毋令南國夢虛
負北遊篇

聞北信懷鄭九萬黃門三首

聞訊南來使京華世故多鄭虔名早達去國意
如何昔者同心友交游風雨過蕭條更羈旅茲

夕淚懸河

一官奚足借萬事
死生輕丘壑
元貧賤廟廊自
聖明東山蘿
月白小野桂
風清翹首思
天仗猶餘折檻情

紫雲涵瓊闥
瓊樹近僊卽
憐爾經綸志
相思江漢長
身緣憂世病
髮豈到家蒼
賈傅逢明主
猶疑謫楚湘

送陳蓉湖方伯歸田三首

送客逢人日
春雲淡不收
世關虛萬事
吾道已

卷一
三休沙樹連平楚江花茁故洲芳尊惜明發南
浦空離憂

左轄頻辭爵上台已讓賢春尋栽藥徑山買種
芝田定賦閒居好未懷靜者便清江聽風候隨
處繫歸船

世未遺黃髮公胡識紫芝徑添叢桂得山與懶
雲宜漆吏憂還切曼容計不疑他時招隱路花
鳥正催詩

鬱孤臺別黃編脩才伯二首

五嶺僊郎到三湘使節明聲華黃太史談笑愧
班荆明主初求道邊陲已息兵北歸金鑑錄幸
苦曲江情

我懷還夢寐別爾鬱孤臺野樹白雲淨澄江涼
雨來雙旌天外棹孤劍醉中杯今日南洲客在
歌首獨迴

寄舒國裳脩撰

脉脉懷君子三年別梓谿鯉魚吳地隔鴻鴈朔
雲低石室裁新史金門續舊題因風寄踈澗多

病欲山棲

安遠行臺卽事二首

射牖晴霞遠依齋翠竹長
瘴山臺館淨蕙日容
衣香大業須群哲
皇風陋小康
憂時雙劍在
紫氣薄扶桑

僻縣傍雲壑行臺稀簿書
槐風入戶靜山鳥識
人初守道將玄白
全身豈毀譽
百年肥遯志
海上憶吾廬

愧瘖集卷之六

莆田二山野人林大輅稿

五言律

虔州雜興十首

舟行灘水迥山入嶺雲深漢使擎龍節軍麾耀
虎城賜環明主意炙背野人情南國還春事
雙江自容星

不作麒麟植悠悠湖海情朱幡真劇夢玄髮且
浮名津霽催花雨林嬌出谷鶯使君聊撫化物

色重江城

畫戟清香度紅塵白簡移松畱獨院鶴日轉午
階葵馬援平蠻久文翁化蜀遲風流俱寂寞惆
惔一相思

對客五君詠宜人三畏堂琴尊白竹淨亭榭碧
漪長攬轡名仍漫振衣思獨狂萬家六樹曉行
部有甘棠

他年誅盜賊元帥亦書生金鼓傳山箐風霆薄
戍營梟巢終自破蟻穴竟須平涘水岑岡遠黃

香狐夜鳴

鶴栖曾遠翼，鵬運幾南圖。
山意吞閩粵，江聲入楚吳。
禮樂卿雲見，襟期白雪孤。
清時堪作吏，喚酒聽提壺。

星使采風謠，清驄漫爾驕。
祥煙日下濶，寃氣斗間消。
談劍憐爲客，鳴珂憶退朝。
濟時憂不減，漸覺鬢蕭條。

潢池今列堡，安遠近龍南。
開府春能到，殊方俗漸諳。
兵戈還自戢，鼯鼠底須談。
六月南荒路，青

茅滴瘴嵐

群山頻眺望風雨鬱孤臺浩浩長江去冥冥白
鳥來三賢傳道日二老濟時才回首憐身事憑
高一愴懷

險絕今形勝倉皇舊鼓鞳蠻中黃屋遠海上白
旄低騎馬過庾嶺看山似會稽孤臣涵帝澤
拈筆紀新題

臨江道中

流水清清潤荒原隱隱村寒輕烟雨合春淺薛

蘿繁巾帟隨時事風花傍酒尊杜陵行役遠回
首望千門

巡南康偕廬師陳兵部遊廬山諸勝六首

旭日明廬阜登臨愜采真谷深僊侶宅雲老薜
蘿人鳥外丹泉細霜前白菊新悠然成獨往勝

覽杖藜頰

先夕宿湖宿開
先次夕予往赴

賓主歡相見霜林野語長山厨先具黍巖瀑試
傳觴塔古存孤嶂僧閒住上方江湖雙眼濶撫

几意茫茫

到黃巖石湖先至僧以紅稻作黍瀑
布上源味極清平石流觴果一快也

萬竹雲中隱重巖江上陰梵音馴野鹿禪意寂

鳴禽信宿武陵約同聲天姥吟石田堪學稼吾

欲謝朝簪

黃巖寺岩雲物可親僧種石田瀑溉之娛老謝氛吾愧焉

雙劍下晴瀑三秋生暮烟坐疑風雨至聖失蛟

龍眠几席何蕭爽絃歌更靜便盧同鬢未變林

叟亦忘年

几席面瀑而陳玉峽流泉清可洗耳吾與石湖有餘戀焉亦前遊所稀

聞說空山裏何年白鶴來雲深會問路歲晚憶

登臺問訊師能健淹留客未回玄門對蘿薜惆

張松花開

丙戌冬予遊此僧老而貧亦能作茗謝客茲夕訊他僧言已老矣

竒遊非夢寐仰止訪徵君五老來天地雙谿會
雨雲魚龍秋共寂鐘鼓晚相聞願借石門宿冥
心辭垢氛

五遊白鹿洞未敢言詩塵業罪軀益增作報是夕乃先辭石湖而歸

鄔子驛發棹東豫章諸藩臬三首

鄔子日將午方舟行未遲寒流開凍雪野吹動
高枝麥苑鴉聲急魚梁鷺影移二毛驚荏苒行
止復何疑

投簪辭魏闕去國渺江津鴻鴈南飛盡梅花慰
旅人別時南浦近到日石門春楚舸牽風纜招

呼應太頻

初曦照晴野疎林寒色長岸迴山屢轉雲淨棹
相將去楚看初臘遊吳值晚芳谿峯容小隱漁
榜聽滄浪

同陳盤溪憲副遊栖賢橋四首

棲賢會選勝山水復何如獨往期難定相思夢
亦虛三年增病髮九月共輕車幽寂同冥契何
當一結廬

旅客興不極高秋玩物華欲尋僊侶宅同過野

人家晴樹團清澗迴峰散紫霞不辭歸騎晚坐

試玉淵茶

泉清僧取作茗異凡泉

招隱吾當去尋真昔所歡雲中山寺遠溪上石

花寒白鹿遊玄洞蒼龍隱碧湍茲遊匪汗漫聊

復酒杯寬

丙戌秋遊凡勝處皆奇觀今增感慨

何當僊袂接翻覺野情長夕翠奇峰峭輕雲晚

樹涼羅浮分几杖天姥麗詩章歲杪豫章棹言

歸各盡觴

遊信豐南山寺六章

山水多佳氣，翛然出郭情。
谿聲迴古寺，樹色隱孤城。
勝事隨巾舄，南州靖甲兵。
菩提緣業淺，吾欲學無生。

簿領罷清晝，軒車來此峰。
聞鶯初拄杖，看鹿忽鳴鐘。
野潤分巖桂，沙寒入徑松。
杜陵貪佛日，登覽得從容。

雲鶴深林出，鉢龍靈壑歸。
沙門祇自好，蓮社還相違。
病骨思丹術，夕陽戀翠微。
風塵生理拙，回首薜蘿衣。

昔賢同宴會白社開平蠻今我獨昭曠青藜得
看山乾坤隨逆旅纓紱變塵顏讀罷城南句巖
花香露班

南山却炎暑松楸晚陰陰貝葉三乘法蓮花千
劫心雲生禪宇靜月到石門深去住多空寂未
逢支道林

佛燈明不翳安得照迷途萬事已疎濶孤懷空
鬱紆漆園虛歲月栗里眇江湖歸計翻留滯青
山豈負吾

簿書微暇南山載遊坐方丈閱諸題
扁見陳叅政阮僉事二先輩在

先帝時以平賊過此寺搏俎
聯歌因感今昔漫紀遊耳

同陳德章員外遊信州南巖寺三首

出郭谿初霽看山春復深
天連野日淨雲傍石
堂陰草色分晴渚鶯聲出近林
風流陳水部走馬共招尋

巾舄凌真界神僊漫爾群
青林留鳥雀紫洞覆煙雲
僧飯炊麻熟梵音定磬聞
最憐巖石添涓滴散塵紛

山花看不徹春思坐銷憂
佛日晴看雨賢踪想

臥丘午風吹谷暖晴溜入谿流吾亦邴生興南
巖自薄遊

歸途呈陳德章兼懷夏敦夫二首

野寺諸天遠石門斜日遲回看方外迹翻作夢
中疑歸路隨芳草行歌憶紫芝再來僧不訝雲
卧是幽期

谿山近吾土悵望未能歸羈旅懷賢達清時甘
蕨薇雲谷容踈放橘林無是非何緣得命駕問
爾芟荷衣

重遊信豐寺三首

石門聊小憇，山寺喜重過。宦况於時拙，佛緣柰爾何。蛩聲荒徑續，鳥語夕林多。他日平蠻路，相思惟薜蘿。

歲月還多病，兵車漫遠遊。瘴煙庾嶺樹，海霧粵江舟。官久人青眼，時清僧白頭。瞻雲情不極，幾夜夢滄洲。

孤峰環寶刹，古木隱諸天。適遠驚長夏，逢僧愜舊緣。香浮莎徑竹，鐘杳石堂煙。更擬棲南阜，從

師種白蓮

得少司馬陳高吾公贈詠敬叙所懷并答
來章四首

寂寂衡門靜樓遲復幾春竹谿聽雨夕雲谷採
芝晨陶令元昭曠龐公舊隱淪相逢驚夢寐初
月照綸巾

短筇過竹塢旭日上柴墟黃憲不辭客楊雄多
著書煙浮青野淨江動碧沙虛誰念勞勞者相
思覓鯉魚

朗州煙渚濶間字我還來四月龍山路木蘭花
正開別懷南浦棹夢阻鬱孤臺獨愧侯芭病風
塵白髮催

鐘鼎名何有滄浪夢益清客星懸楚瀨卿月動
江城山入蒼谿秀花環綠靄明仙源知不遠漁
父若爲情

興國阻雨逢劉員外克明留飲不赴夜至
城館四首

曙色低平野寒聲拂朔林忽驚人楚路翻動別

鄉心畫戟清霜賦肩輿細雨侵何能慰閒寂噉
噉未栖禽

飄洒莽空濶連綿回混茫冷冷楓徑峭漠漠楚
天長催暮雲逾黯迎寒菊自芳劉生憐邂逅晤
語及滄浪

歲晚重遊楚朱幡意不違暝知栖鳥寂清羨去
鷗飛岐路長風雨春山有蕨薇遠慚彭澤宰深
巷掩柴扉

寧帷森雨足望野失林端喜見楚氛淨愁同蜀

道難谿荒群潘入山遠亂雲攢倦馬宵征急支
離鬢髮寒

晚逢同年劉克承留宿二首

避俗高齋靜迎暉碧樹疎故人遙繫馬留客夜
烹魚萬事看斑鬢十年遲素書楚雲連粵嶠去
任意躊躇

余非行役者南國且虛名朋舊懷終好江山眼
倍明追歡淹永夕緒論起深情贈子留雙劍蒼
梧欲遠征

吊馬伏波四首

祠在烏蠻灘

伏波垂老日建武中興年推轂逢明主焚舟慕
昔賢禁谿夷壘濶瘴海漢旌懸壯志酬知己惟
應烈士憐

隴蜀遨遊遍東方獨後期交於朋舊絕識已帝
王私節鉞勲名會江山心迹遺飛鳶看跼跼搖
落使人思

南紀垂銅柱荒荒海日紅英雄嗟異代戰伐後
群公谿午灘雲淡林秋瘴雨空西來淹旅食咄

咄愧飄蓬

野渡維江舸荒祠薦澗芹魚龍喧未晝日月照
迷津阻絕征蠻路艱危報主身只今嗟蒼苒臨
弔幾傷神

過火燄驛久雨江漲呈汪希會參議二首

蠻鄉乖氣候冬月雨連朝隔幔翻飄灑鳴篷助
沈寥蛟龍寒不蟄颺颺暮相驕漢使旌旗在相
思銅柱標

吹野紛風色浮舟漲石痕旅愁增白髮江路劇

黃昏隱几懷良友
蕭條獨閉門
懸知今夜泊
隨處定銷魂

阻雨

短日瀟瀟雨行舟
阻去程風煙聊送目
巾舄那爲情
江上龍猶醒
沙前鷺自明
羽書滯南國
忽擁愁城

暑夜懷謝光宇二首

夜短全無寐
懷人思欲飛
燈花迷細字
星彩動疎扉
客路那堪遠
鄉書况漸稀
故人柳桂外
逆

七
八
九
十
十一
十二
十三
十四
十五
十六
十七
十八
十九
二十

旅混戎衣

徙倚低星漢蕭條鬢欲絲
舊交誰問訊吾道獨
支離政爾思王粲俄聞
失惠施由來征戰地
極止總堪疑

春雨池館懷劉總制二首

獨坐頻聽雨蕭蕭寒滿林
應憐時序改况復異
鄉心香遠傳踈幙鐘清
隔暮岑如何後栖鳥入
夜獨悲吟

未完繁陰合芳池細雨春
宦情花萼媚鄉思柳

條新山氣紛連蜀雲津
暝入秦軍中
劉向老會
見洗兵晨

芋源曉發二首

舟楫開新霽
妻孥動遠情
煙清江樹渺
風滿海潮平
詞賦矜梁苑
河山重漢京
客旌隨處到
荏苒壯心驚

漫卽生理淡
行役若爲家
白日煙波濶
秋風鬢髮華
愁邊思橘柚
夢裏失桑麻
歷歷河陽路
迢迢江上槎

建陽至武夷

驛路沿谿近林楓傍厝稠三年還舊况雙眼及
重遊谷隱神僊宅煙清山水州武夷看不徹夕
翠下寒流

春暮繁臺雜興十首

青郊來竝馬勝日到繁臺地主留春住山花對
客開流雲連下榻高閣迴傳杯雙燕梁間語相
看去復回

風光催宴賞人代幾登臨嶽色荒城晚河流廢

殿陰吹臺時鑿筑戎幕靜彈琴共喜青霄步那
聞白石吟

同遊簪組客况值 聖明時歇馬過隋苑焚香
上禹祠野煙浮檻白崖日轉階遲鴻鴈歸時晚
蕭然有所思

賓客憐枚叟梁園賦獨傳那知千載後歌舞劇
風煙柳暗遷鶯竝槐高啁雀懸晴沙吹不盡夕
草媚前川

市塵淹力士朝組失監門朱亥存狐袖侯生重

一言關河餘霸氣天地渺中原此日攀蘿飲青
霞醪酒尊

林僧已白髮野寺半青蕪坐石分巾罽憑雲俯
桂梧佛碑隨字讀塔鸛聽人呼節物驚遊子淒
涼憶宋都

渺渺朱仙鎮英雄恨不錯九關胡騎滿五國漢
旌遙谷煖邀春服林幽聚使輶懷人俱夢幻興
遠一蕭條

老子興何淺羣公詩更清雲間畱片月竹外隱

孤城地盡浮生眼人餘千古情歸途羗笛靜燈
火欲深更

牖入黃河氣庭分少室雲綺羅非舊國花后失
遺文塢色榆郵合泉聲鴛徑聞相看須盡醉明
日漫塵紛

將軍清興在扁落更文章虎竹西河靜籠沙雙
劍長天遊曾控鶴塵夢幾炊梁斜日莽空澗春
山倍鬱蒼

楚城人日懷大同十首

風雪雲中路旌麾塞北塵遠烽分夕照列騎共
雲屯伐叛過三月憂時仰 一人陸梁朱泚在
涕泣幾傷神

洶洶嗟邊寇哀哀愧漢官元兇誰授首僞帥爾
登壇雲合關山遠風高鼓角寒蔡功真在斷翹
首望長安

傳道劉司馬從容軍令明請纓終子志約矢仲
連情劒氣橫霜壘笳聲動雪城 至尊憂社稷
麟閣敢邀名

風咆頰爭發雲梯未可攻連城百萬戶
霽淚風塵中狡兎騰三窟飢梟競一叢
將軍思卻克白首五花驄

薄伐傳天語跳梁任爾曹城烏驚月
柝邊馬立霜旄愛士散金甲酬恩
伏寶刀夜來天漢上喜見將星高

昔日雲中戍先皇外四家連翩馳
漢騎談笑靜胡沙白日宮雲淡
春風御柳斜只今胡頽洞倚劍一
長嗟

西崦迴寒照晴沙斷遠風管星連萬騎獵火送
雙熊高壘關雲白平蕪野燒紅王師非樂戰驍
騎敢言功

羣兇思跋扈酋虜欲橫戈將校威名舊朝廷戰
伐多邊防連朔漠春色入關河漢苑花期近宸
遊及凱歌

塞外黃河套胡雛百萬羣招呼驚不定震撼報
相聞人日悲斑鬢燕山望紫雲汾陽曾息戰單
騎亦書勳

萬騎羽林將九天銅虎符風雲爭請劍朝野望
垂弧江水荆門樹煙花楚塞隅羽書驚送喜早
晚報平胡

陳高吾公招飲二首

予鄉試
辱薦

精舍湘江上天風海鶴還十年門下士遙望高
吾山杖屨迴春色烟霞駐道顏尊前聞緒論紫
氣滿柴關

備屬過三載臺端仰羽儀浮名隨剡薦古道負

心期風雨淹多病江湖動遠思
澗殘驚滿眼真愧疏歸遲

陳三宜閒居之作次韻答贈三首

看花仲蔚宅小徑轉蓬蒿
崖落泉聲細雲連海色
高年華甘野老世事企時髦
佳句煙霞滿巖壇愧爾豪

湖水照梅塢南隣久定居
嬾予爲客日念爾論文
初海上聞歌鳳天涯喜寄魚
茅茨顏色好會

讀養生書

何年謝朝列長嘯振塵襟白浦邀孤棹青山助
短唼石林幽擊缶蘿徑靜彈琴畱滯楚中客懸
知招隱心

贈馬太僕卿二首

馬卿初邂逅惆悵十年餘款語及疇昔憐予舊
諫書萃編推後進白髮曳瓊琚何物看鍾鼎浮
雲過太虛

比隣同二老問訊立階除初下陳蕃榻還過楊
子廬著書時散帙遊野或巾車尚阻蒲輪疏觀

風益愧予

疏休候報擬賦山居之樂十首

十年懷尺疏拂袖入山遊
蔣詡還三徑陶潛自一丘
恠禽鳴灌木晴渚漾清流
皎皎藤蘿月狂

歌任去留

前甲申疏養未遂

雲連玄谷宅地隔畫輪塵
栩栩丘中臥悠悠江上春
書帷侵野蔓釣石夾踈筠
客至渾真率頻歛漉酒巾

浮生猶夢幻每愛白鷗羣
誰謂神仙侶瓊花隔

海雲天風吹桂樹
日夕散清芬
咄咄茹芝叟
遺歌千古聞

拄杖看雲日平疇
過雨初芙蓉
藁香度野葭
莢翠連渠呼僕供農事
看兒讀古書
石村茅屋下車馬
向來踈

獨有煙霞癖
來尋水竹居
階閒花飼雀
谿淨石留魚
歲月浮名定
乾坤過客虛
麥斜時獨往
穉子命巾車

出郭少人事
時登谿上樓
原花迎日媚
峰樹抱

雲浮泥絮招鄰具說成音求流清時管報答橋
散合滄洲

簪組名何有江湖鬢尚青松風過榻煖梅雨隔
溪冥混迹從踈放全生付醉醒木蘭歌放艇天
地一浮萍

尋真鄰叟共古寺杖藜行白社從吾好青山不
世情谿明郵靄斷沙煖石帆生數里雞峰路鐘
聲聞暮城

彩鷁非南國青霞還故園竹深雲外笛花煖洞

中尊抱葉玄蛸嘒爭枝白鳥翻晚山隨意好散
髮卧松根

南山日杲杲幽意滿荆扉言采東籬菊翩翩白
苧衣邨春寒月靜野渡晚烟微却羨南飛鶴巢
雲天外歸

歸宗巖二首

建州山水好竒絕擅歸宗舍利光三竺芙蓉削
萬峰秋壇開佛偈午榻遲僊蹤檻外蒼霞滿空
門翠幾重

雲磬上方隱石門天路深心歡輕險絕力健慰
登臨野色平晴嘯寒聲起夕林九谿歸舸急回
首白雲吟

太平道中寄陳君咸郎中林遷于員外二
首

忽忽將衰鬢如何復遠遊交情牽舊雨客思積
深秋寒靄孤村斷支谿亂葉流尺書憑驛使早
晚到滄洲

歲晚懷君子歸鴻夕照邊道清宜小隱身健稱

談玄海月懸村榻谿雲漾釣船華簪吾已愧真
欲挹飛泉

題黃慰山春遊圖用庾開府韻錄于丹青
之次申予丘壑之私十首

白羽搖金鑣青萍拂翠條谿雲陰不定山雨暮
還飄舊壘燕來劇高松鶯轉驕達人探物候迢
遞玉湖橋

舊國復逢春松關欲卜隣峰高海日小長見浮
槎人邂逅客連袂清歌酒入脣東風吹駘蕩遲

爾酹花神

勝日登高閣吟眸望小車城霞烏石徑湖日碧
欄花地主淹春事村童報物華高陽稀酒伴莫
厭葛巾斜

爾自開荆戶誰當到竹林風烟分綠杖山水入
瑤琴天路炊梁夢雲中採藥心柳啼黃鳥竝莎
卧紫騮深

共有看山興題詩報草堂凌霄生別院杜若動
浮梁蟻泛霞觴淨螯撐月甕香晚來雲共寂備

裏一胡牀

豈是錢塘路蒼波照綺羅行逢青鳥使坐對白
雲歌野綠圍芳樹池清迸小荷所歡歸騎近月
到華門多

看山南郭外佛日洞簫前野水縈如帶層峯簇
似蓮百年雙眼濶萬景一尊懸我欲從君往蘭
陵更繫船

綺樹搖春服天風影共飄緣雲迂鳥道撫石迥
山腰玉笈奚童抱銀箏稚子調悠悠人代裏誰

羨霍嫫姚

幻境塵緣寂時雲古木齊誰言瀛海迥猶訝蓬
山低是處行攜鶴他年藥飼雞勝遊曾汗漫黃
鳥盡情啼

丈室君能到泉聲清晝長朱英攢綠篠青子隱
黃楊掃石留佳咏鈎簾度遠香雞峯良晤在白
髮倍年光

山遊二首

巾舄閒中過林巒僻處竒瀑清鳴鬼竇崖煖茁

仙芝野飯團風磴行屐摘露葵醉翁生理淡搖
落愧前期

野徑聞鐘鼓石林坐草萊古懷懸斷碣遺事隱
荒臺猿鳥從人看煙霞遲午開重來應有賦深
愧子雲才

過山寺僧留宿不赴

夕陽還畫旆野寺欲繩牀佛語他年聽羈懷半
日忙鉢雲寒作雨寶樹靜浮香翻憶重遊地蕭
蕭木葉黃

陳三宜談雞峰以澹池引泉學圃栽蓮移
竹分菊種蕉撫松八題索詠賦答

澹池

澹池橫九仞憶自壬寅秋芳草春猶逗新荷水
共流魚遊三石窈窕浴五雲浮六月多風雨波
清海上洲

引泉

暑雨過林樾呼童急引泉雲深流玉遠石淨噴
珠懸灝氣原無際寒聲別有天翻思川吐嘆徒

作意茫然

學圃

曉畦分僕灌春日杖藜行乍見匏鬚長還憐薤
葉青百年雲谷分一飯野人情病眼明芳樹婆
娑對紫荊

栽蓮

栽蓮逢首夏對客款行卮喜見天湖滿坐聽山
雨遲遠芳流湛露野色麗清漪昔日廬峰叟風
流良在茲

移竹

高齋對此君泉石欲平分舊籜移山雨新標拂
澗雲二毛還玩世三徑未離羣揚子謔玄席簫
聲滿戶聞

分菊

陶令歸來日東籬醉菊花伊予開眉瓦尤甘緇
彤霞僊品移朱圃尊前戀物華良朋有佳詠頗
到野人家

種蕉

雲山粟里秋三徑鹿門屋幾間蒼崖寒碧荔挂
杖晚躋攀

丁未閏月九日朱菊正開及菊主人觴雪
厓三宜賓峰暨予酒半同登東山僧巨
文進茗乘月再酌東籬五首

采采垂雙鬢衰遲借爾容花神堪百酌地主喜
重逢幽抱松間月香浮海上峰樽前聊醉盼荏
苒晚霞彤

朱園過白露鳥石見黃花古意同隣叟伊人惜

歲華燈分僊斃麗雲護楚粧斜漫說龍山飲風
流獨孟嘉

采菊來蘭若聞鍾下翠微曾聞頻候客露冷欲
侵衣五老西雲杖三秋野竹扉深杯傳不極茲
夕已忘歸

蒼雲流海上高閣共躋攀東石三芝樹南屏九
日山清談叅老衲幽意滿玄關汗漫看花侶憐
予亦醉顏

秉燭探真近殮英各盡觴百年懷舊摘九日觀

新粧楚水標孤韻陶園殿衆芳
秬應逢醉石一任老夫狂

春日同王堦谷吳三麓林養齋柯石莊柯
希齋登東山觀梅四首

野日明雙鬢春山度短藜石門蒼靄外
天路碧雲西酒熟尋芳近梅開向客低
流光恣歡賞二仲更招攜

共有探梅興相期忽隔年微風初出塢
繁雪恰當筵暮色春會妬孤芳時更憐
野人驚物候贈

爾碧霞編

寂寂林棲叟東山戀謝安
報書隨道侶散步到
禪關玉樹諸天映瑤峰
清夜寒醉中猶解事笑
插一枝看

故人多小隱幽事不相違
喜欲招明月狂應臥
野扉城鐘魂易黯僧磬夢全微
却憶孤山路白
頭無是非

林西谷過雞峰二首

書帷搖桂幌詩檻敞屏紗
白谷松巢鸛青門石

暎花溪光迴野迥蓬影出林斜客到開山酌淹
留落晚霞

草堂巖雨霽春日浦雲低萬竹青依檻千峰翠
度溪聞鶯瑤樹晚招鶴寶莊西爲愛林棲叟新
詩醉共題

元夜友人飲予宅

明月聞歌吹卿雲度絳霄轉驚花事近應喜世
緣遙蔣徑迷蒼篠逋山對赤橋相遇春有幾不
用尺書招

人日同築谷院長遊李松陰方廣求思庵
一宿而還四首

扶步行連磴迎眸豁出雲天低晴海近樹斷午
霏分霞彩日邊絢泉聲鳥外聞息交今白首方
廣亦人羣

竒樹栖玄鶴芳池匯紫泉藥畦分野石茶鼎接
村煙李白杯堪把王維詩漫傳翻憐湘浦棹春
日過桃川

石堂還下榻蘿塢幾傳杯孤月低春幔繁星轉

化臺城鐘雲外度野燒澗邊迴明發雞鳴嶺相
思味徑梅

石田山叟種苓榻主人懸酌酒迴玄谷看雲拂
紫泉客慚煙火食世喜羲皇年欲卜西清隱漁
滄路黯然

西郊觀刈麥

山郭驚春暮西郊麥事忙日華侵澗白雲影隔
溪黃遺穗猶棲畝新厨欲薦香耦耕生理在白
髮野情長

梅泉丈室卽事十首

閒居過十載強半在雞峰雲入高齋榻山環古
寺鐘夕煙流釣艇野漲劇溪春咄咄離群者何
如邴曼容

衰白甘吾病棲遲漫爾緣閒情春杖外野語晚
尊前蕉綠分雙塢梅青暎五泉疎狂還獨笑敢
謂友朋憐

白扉還舊業青野有新篇亭景群峰會谿光萬
壑連邨南蒔藥逕石上種芝田時共鄰翁醉高

歌凌紫烟

水日平池上薰風叢桂香
懷人虛剡曲對客宛
濠梁蛙動荷珠碎魚翻
荇帶長似聞山雨至寒
翠灑衣裳

習靜不辭客狂來倒接羅
根懸千日草花發萬
年枝箕穎雲同寂羲皇
夢益遲雙谿清幾曲長
與白鷗期

甃石臺三尺誅茅屋幾間
清留雲外笛幽得海
中山鬼谷丹砂秘僊蹤
白日還未須論小隱方

外亦人寰

尋詩過畧杓說劍據胡牀
天地風煙滿江湖鬢
髮蒼日華浮苑樹雲葉對丹房
汗漫茹芝老清
時恩敢忘

課耕歲復歲山婦澣
初衣屨氣天低野
蛩聲月
傍扉故人江上別
良晤夢中歸遲爾
談玄宅白
雲深翠微

鎮日無機事多年
息宦情誰堪頻
結駟我已慣
聞鶯交絕籬中
散途窮阮步兵
蹉跎懷二子
今

古一浮生

雨蘚崖棲蝶風蒲渚泛鷗所思雲谷口長繫木
蘭舟紫氣低清曉壺天澹碧流化城歸鶴近魂
斷望仙樓

宿雞峰顧願齋學憲馬師山侍御攜觴過
談十首

暮春天氣暖雨後晨光微山翠江門合泉聲聞
竹扉偶逢田父到谷口耦耕歸言念同袍者相
過日漸稀

物類集 卷之二
節物欣晴旭談農有夙緣翠微登不極桑柘眇
蒼烟西崦多啼鴟東臯種石田古人誰復達長
念鹿門賢

閒遊藉春草冉冉原花紅綠學春如沸歡呼一
醉中三芝他日長我亦百年翁二客來城市殷
勤問桂叢

觴味忘吾老流鶯復起予龍沙望正遠猶滯北
來書草色迎春佩流雲白滿渠生涯便避地偃
蹇欲何如

竹外憑闌見小車來遠山相看傾意氣春事滿
柴關遲日煙霞夢野人霜雪顏玄談日忽瞑吹
笛石門還

僊伯蘭臺老文章絢太平南華逸興共剡曲野
舟橫芳樹鶴雙語閒鷗共爾盟趨來催蹕白踈
月滿春城

天路過青墅靜峰盼靜佳林幽初遲客楊柳啼
雙鴉石竇仙源響春湖雪乳茶止雲苓榻淨應
似葛洪家

笠澤天隨子江湖亦故園卜居無定迹幽事入
琴尊林叟昔招隱千峰遶近村馬卿玄覽在拄
杖欲忘言

草巖控僊宇遺世更西洲甲子時同紀夷門念
昔遊陟雲蒼海上濯足雨谿流萬米蒸霞晚高
歌竟日留

邂逅同雞黍驚心復暮春玉塘楊子宅紅日臥
龍津述作變玄髮陽山物候新心期四斗載念
爾謝風塵

題壽溪

我愛壽谿勝
丁年幾度遊
春風吹綠野
晴樹滿滄洲
古意尋書閣
閒情上釣舟
當杯鷗鳥近
冉冉碧雲流

劉約齋謝北山過草堂二首

草閣孤峰淨
仙曹竝馬來
雲枝浮細徑
竹色上晴臺
公幹抱玄思
惠連稱俊才
論文憐契闊
落日未須回

山雨當投轄
披襟坐晚風
別驚雙鬢白
話共一

燈紅吠犬烟谿外流螢薜檻中十年湖海客茲
夕嘆飄蓬

少司馬鄭山齋攜宿西塔寺次韻三首

綠篠深迷徑朱花淨暎塘鶯啼芳圃樹鹿款碧
莎場雲午連村淨鐘清出院長草玄探舊業白
首倍年芳

塔日殷僧磬松雲寂洞禪歌聞白雪調談憶紫
霞繡風雨登堂晚江湖去國年招攜青眼在叢

桂故山緣

余謫夷陵
拜公于家

高閣披襟坐空門欲暮煙峯廻雲隱寺野闊樹
浮天勝日憐雙鬢餘春間石田南山今謝傅湖
海寸心懸

宿寺呈山齋三首

野霧黃高壠晴流白斷沙春催將盡日林抱續
開花文藻同靈運江山似永嘉初衣今慰意莫
遺負年華

世已遺黃髮公應惜紫芝故山邀九杖冷雨慰
襟期雲動南州榻花迎鄭老詩娛人雙鳥在勸

飲綠尊遲

風雨來何暮谿山漫復春
濕雲交野色芳甸媚
花神選勝情俱適
憂時話更親
悲歌應自放生
理一沾巾

久旱稍雨卽
霽農病之

望雨次林西谷

東山遠人境况復祇園幽
望雨頻栖壑看雲共
倚樓笳鳴江徑曉
磬定石堂秋
墟里談農事
荒起暮愁

西雲感事呈廖梅南

迢迢西雲路東林報早鐘野情歌白紵晴日撫
青松海色千峰斷村霏三徑重相看俱皓首來
徃意從容

微雨卽晴二首

午寐不自覺忽驚涼雨來松門留宿靄柳陌淨
浮埃風急雲難定陽驕鬱不開喜心翻墮涕獨
上雨花臺

乍雨看沾濕長歌不散愁高楓淹夕照細竹澗
寒流旱氣橫谿暝雷聲落澗秋憫農驚去國翻

憶楚江遊

允可表弟攜榼草堂邀雪崖三宜同集次

杜二首

招魂歌楚些春日復溪行花雨連村暗炊烟近
樹明傲賓忘世故玄谷得長生樂聖偕朋好脩
然白髮情

別業開青野閒情戀翠微犬過雲外吠鷗入雨
中飛愛客思投轄呼童欲典衣江湖春幾許真
漫賞心違

六卷終